

度

支

奏

議

度支奏議目錄

雲南司十五卷

覆南京戶科條議滇南足餉長策疏

覆漕河部院議留漕米賑難民疏

題截津漕米缺額酌議追補找截疏

題通廳呈報土壩火燬船糧疏

覆總漕題留輕賁修船疏

覆松江府推官徐日曦開復疏

題運弁幼子張家隆發回原籍追糧疏

覆總理條陳倉漕十二款疏

題覆漕糧永折災折數目疏

題運弁耿秉孝被盜刼殺疏

題催五年輕齎糧道隨糧并解疏

覆臺臣謝三賓陳設漕政利病疏

叅究奸書阮允耀假文假印疏

覆輕齎侵欠叅罰羅華袞曾櫻疏

覆督部條陳速剝事宜疏

覆總理收買納剩餘米疏

覆守備李遇陽條陳漕事疏

度支奏議卷之十五

太子太保戶部尚書淄青畢自嚴視草

覆南京戶科條議滇南足餉長策疏

題爲欲籌滇南足餉之長策宜清諸弁故絕之職  
田侵冒杜而生息有資積貯克而緩急可恃事  
雲南清吏司案呈三月十一日奉本部送戶科  
抄出該南京戶科給事中戈允禮題前事內稱  
臣生長於滇每懷桑梓之憂思効綢繆之計近  
見普酋發難餉頻頻夫萬里叩天已是望梅

而濟渴空文派發何殊畫餅以充饑况備邊防  
插那有盈餘滇俗漢夷雜處蠢動時聞將來事  
誠堪扼腕矣查臣鄉衛禦所伍先皆授有膏腴  
職田指揮百數十畝千百戶鎮撫百畝內外視  
品級爲差中有世系斬絕承襲無人而田當歸  
之

朝廷者無奈強梁衛弁乘其斬絕而併吞之不過每  
畝納穀三斗遂占種無價之官田子孫世收其  
美利甚且土指揮例無職田而朦爲流籍查絕

田以姦請於上司甚且納級指揮例不加田而  
尤効同官取絕田而增植其地畝此不均當歸  
之

朝廷者乎臣鄉輿論及此為日已久但一經清覈則  
必更改坐落或以瘠薄抵充則必捏造契書或  
以典賣借口皆其必至之情也宜亟

勅臣省撫按盡數嚴查某衛禦所伍絕官若干員某  
員遺留職田若干畝原坐某處今見存誰弁之  
手照臣鄉地畝追其價值每畝不下六七金田

則比照民糧從輕起科苟各價者入官別售合  
計一衛得價固已不貲總計一省奚啻數萬金  
之積哉如是則平居無事以充鑄本子息可以  
歲增一旦有事取之逢源軍興何愁仰屋就中  
再杜那借之端更防侵欺之漸以滇足滇儲于  
不涸彌蒙安邊此實胎之矣然臣不慮因之不  
可清惟求清之得其人蓋撫按所憑者司道司  
道所憑者委官而工於彌縫巧於賄賂足以瞞  
天障日役鬼通神莫衛弁若也是在委官一腔



熱念實爲地方乃能力擔勞怨又冰心盟已歛  
面向人乃可捐棄面情不然稍爲提奪萬萬不  
能清矣卽或清之僅一二還報遺漏更無窮矣  
乞

勅撫按務于奉行之時專責成效庶苞苴不靈而事  
克有濟尤臣所惓惓注意者也臣情關桑梓一  
得敬陳見滇南軍餉不必踰域而求亦不待臨  
渴而掘實實有如此者伏惟

採納速賜施行等因本月初九日奉

聖旨該部看議具奏欽此欽遵抄出到部送司案呈  
到部該臣等看得滇南遠在天末今當普酋竊  
發叩

闕請餉於萬里之外往返動經數月卽爲議處何當  
緩急况臣部當此三空四盡之時卽勉補緝  
而襟肘盡露寧直請之者艱而應之者亦窮矣  
如南京科臣戈允禮議滇雲各衛所指揮千百  
戶鎮撫各授職田有差俱稱膏腴蓋

祖宗朝創制立法借此以富世祿其說必有據也逮

後時移世變或系絕而被併吞或土官而冒流  
籍或納級而效世裔遂以

朝廷惠養之公田竟爲姦豪侵占之私業當此叛逆  
跳梁兵餉無措乘時徹桑因病蓄艾何可置之  
不問今須申飭撫按專委風力司府官員逐衛  
清查或按冊籍或訪故老無容占隱責令照值  
交價有違抗不交者則入官另賣通計一省絕  
田得價已自不貲而又比照民田起科則地價  
與田賦皆

公家物也分計之若見其不足合筭之自覺其有  
餘平時則資鼓鑄而權子母軍興則佐供億而  
裕逢源卽弗能取盈倉箱尤勝於協濟之什伯  
卽不能責効且夕尤愈於額請之耽延以滇足  
滇利莫便於此者科臣爲桑梓計故知無不言  
而言無不盡所當亟遶執法之官蚤清故絕之  
田以備軍儲緩急之用誠有不可不竭蹶力圖  
者也旣經條議前來相應覆請

恭候

命下臣部行文滇省各該衙門一體欽遵施行

崇禎五年三月二十四日具

題

聖旨

覆漕河部院議留漕米賑難民疏

題爲震鄰之憂危可畏不小兩撫之坐困所關更大懇乞

聖明早定撻伐之計以收人心以保封疆事雲南漕  
吏司案呈崇禎五年三月二十二日奉本部送  
戶科抄出巡按直隸監察御史史堃會同總漕  
部院李待問總河部院朱光祚具題前事內稱  
孔有德一狼子野心之弁素爲孫撫所驕人共  
知之卽彼中按臣王道純亦言之詳矣今所叛

軍未必盡遼人而遼兵亦在其半向之畏敵如  
虎今則視內地之人則彼又不啻虎矣殘忍更  
過之一時東人厄運殺運筆難盡書臣准爲唇  
齒之邦其被難之民如流水然欲直拒之均爲  
皇上之赤子有分土原無分民情自難恕欲盡收之  
目今清江浦一帶亦安置不來方此汲汲告涸  
况以被災無米無柴之淮復濟此無家無依之  
衆識者先爲寒心臣與撫臣心膽幾碎不惟姦  
細之難防抑且饑寒之堪憫又則不流而爲盜

勢必漸而從賊矣臣思及此泪爲之滴無奈時  
與相湊何也萬祈

皇上軫此災地念彼流人或量留漕米之在淮一二  
萬石救此難民真

天地生育之恩或所不靳耳仍乞

天語叮嚀山東道府親歷被破地方急招逃民不忍  
捨此苦民正將來可以填實地方之法也等因  
具題本月二十二日亥時奉

聖旨該部看議速奏欽此欽遵抄出到部送司查得



直隸巡按御史史堃疏中所言有關兵工三部  
者聽令徑覆本部無容贅議至留在淮漕米一  
二萬石以救難民有關漕務相應酌議具覆案  
呈到部該臣等看得東民虔劉之餘流離淮上  
其顛連無告之情真可惻憫按臣史堃不忍分  
• 視其民會同漕河二臣建議撫綏消彌不測仍  
欲量留漕米一二萬石救其饑饉可謂仰體

皇上好生之德而拯群黎于水火之中者矣但此一  
漕米也府縣之催徵官旗之挽運不知費多少

人力有行月糧銀有船隻修艙又不知費幾許  
金錢况京儲空匱已極漕額虧缺數多今之登  
萊難民散而之四方者日繁有徒安得以有限  
之漕糧在在而賑之人人而悅之哉如謂難民  
流寓淮徐者衆不忍坐視卽于府州縣預備倉  
穀內量行動支賑濟如再不足暫於新餉雜項  
款內酌動銀二三千兩分散賑貸准與開銷亦  
足以昭

皇仁之浩蕩矣其在淮漕米似未可輕議截留滋觀

望而稽程限也蓋避難之民多自愛之民富者  
固有行裝資斧貧者亦可傭力自食倘地方有  
司果能實心調劑聽其貿易相資無相凌奪隨  
地安插不加侵侮庶幾各懷樂生之心徐作還  
鄉之計而爲盜從賊之患自可潛消而無慮矣  
旣經直隸巡按御史會同總漕總河二臣具題  
前來相應覆

請恭候

命下臣部行文各該衙門欽遵施行

崇禎五年三月二十六日具

題本月二十八日奉

聖旨難民奔集處所着府縣官於預備倉穀及新餉  
雜項內量動賑給准將實數申明撫按報部開銷  
併着原籍各官設法諭招仍還故土生理該部卽  
行傳飭欽此

題截津漕米缺額酌議追補找截疏

題爲截津漕米掛欠數多謹酌議追補找截以足  
軍儲以充海運事雲南清吏司案呈崇禎五年  
二月二十五日奉本部送戶科抄出該本部題  
前事內稱截津漕米原供海運爲關寧兵餉之  
需計兵授食無容短少今崇禎四年分截留津  
米五十四萬四千八百五十四石有奇乃掛欠  
五萬七千二百二十餘石不爲不多矣津撫恐  
虧海運是以有截補之請然掛欠原在各弁自

應於各弁追比倘必取盈於漕則漕欠終成逝  
波而京通額稍益爲補欠所耗

國儲何時裕乎但查掛欠數內有附餘一項在焉  
其附餘之米先經臣部題明以截津米較入京  
通者便益殊多且米未晒揚每石除尖耗外議  
加五升以補虧折原不爲過但此項原不在正  
額內而今以作截津正數則漕欠之多亦歸於  
此夫各幫漕糧原不能全完卽京通諸倉皆然  
而何獨取盈津門以坐誤軍餉今議除去附餘

不作截津正額則二萬四千三百八十一石四斗零誠不得不於新漕內照數補截者也又津門實收漕米內水兌二十八萬八千七百六十八石零未經晒揚則附餘之米似難妄與豁免其入倉一十九萬八千八百六十一石零業經如法晒揚復又自備腳價入倉則附餘米九千九百四十三石零揆之情理委難再追查掛欠米共五萬七千二百餘石除補還二萬四千三百餘石仍欠三萬二千九百餘石內有應追附

餘米一萬四千四百餘石亦可抵其少半蓋附  
餘一項雖不可作正截之數亦可補正截不足  
之數此外再以本幫贖羨等銀勒令通廳銷算  
照數給津買米備運加以盡法追比則所欠視  
往歲亦不甚相遠矣以後津門截漕之始卽當  
設法稽查加意追比務求足額若索之累月經  
年之後則難圖也此又臣部所惓惓厚望於津  
撫道廳諸臣者也等因具題二月二十二日奉  
聖旨查叅津糧掛欠五萬七千有奇明係截漕其額



若附餘一項旣應除免初時何故筭入額內本內  
尚未說明并匱羨等銀數目若干舊欠追比實應  
若干俱未見開列詳晰還着另本確奏來行欽此  
欽遵抄出到部送司查奏間又奉本部送據坐  
糧廳郎中劉夢桂造送截留津糧完欠并抵銷  
數目文冊到司查得附餘一項先因水兌入倉  
俱不晒揚故每石議加五升今入倉者旣已晒  
揚理應議免其水兌者未經晒揚則照數仍加  
也至於匱羨等銀備查寧波等衛共該匱羨等

銀三千一百五十五兩八錢三分一釐六毫九  
忽照漕例每石折價八錢共抵米三千九百四  
十四石七斗八升九合一勺武德等衛共該實  
羨等銀六百七十兩五錢六分九釐七絲一忽  
七微每石折價七錢共抵米九百五十七石  
斗五升五合七勺七抄六撮黃州衛該實羨等  
銀共七百八十九兩七錢八分六釐二毫一絲  
每石折價六錢共抵米一千三百一十六石三  
斗一升三勺五抄以上各衛通共該實羨等銀

四千六百一十六兩一錢八分六釐九毫七絲  
一忽七微通共抵米六千二百一十九石五升  
五合二勺二抄六撮再於新漕內截補二萬四  
千三百八十一石四斗零實欠二萬六千六百  
二十餘石卽於各衛所掛欠正額附餘四萬餘  
石內追補今奉

明旨另本確奏相應覆奏案呈到部該臣等看得漕  
糧升合爲重若津糧不經晒揚者每石議加附  
餘五升先該臣部題明作正支銷督臣顆粒必

惜所以筭入正額之內也夫先旣議加而今復  
議免者謂其初時水兌入倉俱不晒揚附餘一  
例入額今津門撫道有鑒於凍糧浥爛欲矯其  
弊而更新之其入倉者盡法晒揚業已虧折又  
兼自備脚價搬運入倉情實可念臣部揆之情  
理據津撫之請免其九千九百四十餘石而仍  
追其一萬四千三百餘石則以入倉水兌之別  
而非有所曲徇於其間者也及查簞羨等銀寧  
波等衛通共該銀四千六百一十六兩一錢八

分六釐零遵照漕例折價八錢七錢六錢不等  
通共抵米六千二百一十九石五升五合有奇  
但附餘一項原以補掛欠虧折不宜在正額之  
內而今以作截津正數所以掛欠愈多若必執  
此虛額以搪塞津門於

國儲得矣而海運之數虛懸甚多其何以弭庚癸  
之呼乎此臣部議將附餘米二萬四千三百八  
十一石四斗零不作正數仍於新漕內照數截  
補者政萬不得已之苦心也業該臣部於海運

萬分危迫疏內題明奉有

俞旨矣查原掛欠米五萬七千二百二十餘石今除  
新補截漕二萬一千三百八十餘石又除質羨  
折米六千二百一十餘石外實欠海運米二萬  
六千六百二十餘石而各衛所掛欠合正額附  
餘尚共該米四萬餘石仍令津部追比抵補如  
再不完卽行叅送法司提問正罪者也臣等不  
敢樹恩于衛弁而虧

朝廷之軍儲亦不敢推諉于津門而誤海運之急需

區區此心冀在

聖明鑒照中耳恭奉

明旨着臣部另本確奏相應題

請恭候

命下臣部行文各該衙門一體欽遵施行

崇禎五年四月初一日具

題本月初五日奉

聖旨津米缺額這補截折價追欠等事俱依議行欽  
此

題通廳呈報土壩火燬船糧疏

題爲申報火燬船糧事雲南清吏司案呈崇禎五  
年四月初七日奉本部送據坐糧廳署郎中事  
主事今降一級劉秉桂呈前事內稱照得今歲  
剝運因候閘工蓄水所有各衛糧米磨集兩壩  
職慮風火盜賊時詣河干設法防範務保無虞  
不意本月初三日申時土壩偶然火起職卽單  
騎馳赴會同王總兵葉恭將并該州同知州判  
多方撲救止燒積存中衛指揮衙應龍下旗軍



高九恩等糧船六隻職恐本弁乘機捏報當逐船查勘一面責令打撈未燬糧米外一面行提起火人犯據喬應龍稟稱各船俱係缺旗外水人役俱懼罪脫逃止獲起火犯顏高氏并被燬鄰舡柁役葛守道到官該職當堂審得高氏因舡中炊爨忽起火起以致沿燒糧舡六隻內除一隻全未燒燬外其餘五隻尙沉水中見在打撈未完實燒的數嗣容續報其燬過糧米責令本官員補進倉犯顏高氏雖經撥懲押候詳犯

發落等因到部奉批據報焚燬漕舡尙無糧米  
確數仍一面行查一面具題通倉已經祭壩行  
糧恐京倉亦不容更遲矣奉此查得據報焚燬  
漕舡除一面呈堂行令通糧廳速查焚燬糧米  
確數外及查土壩通糧已于本月初六日祭壩  
剝運石壩京糧亦宜一體速行相應具題案呈  
到部該臣等會同總督倉場尙書錢春看得運  
官有通幫之責旗軍爲一舡之主關係軍儲任  
恭重矣凡長途之逾越洪流旦暮之戒防風火

均當省心驚目以保無虞今據報畱守中衛指  
揮喬應龍下六船皆因缺旗看守以致舡煩炊  
爨失火延燒五艘雖經該廳見在打撈其燬失  
必多而官旗之罪有不容逭者矣除行文查明  
燒燬實數并有無別項情弊至日責令運官嚴  
數賠補并俟發糧完日議罪外聞壩勘工業已  
旬餘蓄水必已盈科漕糧亟宜行運土壩石壩  
均有不容更緩者也既經通糧廳具呈前來相  
應合詞題

請恭候

命下臣部遵奉施行

崇禎五年四月初九日具

題本月十二日奉

聖旨糧艘被燬官旗典守何任着嚴行提究查明糧  
數追完議奪開壩旣已竣工着經管官卽催京通  
各糧作速運剝不得玩延滋悞該部還按期奏報  
欽此

覆總漕題留輕資修船疏

題爲漕廠空匱已極料銀逋負日多懇乞

聖明嚴飭速解以濟船工事雲南清吏司案呈崇禎  
五年三月二十五日奉本部送戶科抄出總漕  
部院李待問題前事內稱江北衛所脩船銀兩  
舊例取給於一分羨餘繇來已久歷年議單開  
載甚晰嗣因輕齎逋欠過多抵京盤剝甚費入  
不償出無銀容回而歲運脩船勢不容少萬不  
得已遂以京衛船料洒帶等銀暫那濟用彼時

漕船多缺補造不前船料稍有盈餘且缺船多則酒帶亦多又以還庫糧銀補其不足故二十年來苟且支持不敢輕易請討近奉

明旨補造積缺虜燬等船不啻千餘艘所費不貲船既補造自無船料之可借而酒帶復少又無糧銀之可抵捉襟肘露此足彼虧理勢必然頃京衛官旗按籍清查業以江浙輕齎抵兌小料撥歸正項則江北脩船無米難炊况漕船挽運歷江湖洪閘之險非脩船堅固何能涉歷遠途軍

士貧寒又何能別爲措辦是脩船之銀所關係者綦重而需用者亦甚亟矣目今帑藏空虛地方多事該部籌

國苦心臣固不敢獨後柰此不得已之費又不得不望其亟爲拯救也等因具題本月二十四日奉

聖旨該部知道欽此欽遵抄出到部送司卷查先該總漕部院李待問請發一分羨餘爲江北脩船之用緣繇該本部查議具覆內稱考之議單雖

有此數自萬曆三十八年以後輕齎一項拖欠  
既多需用復繁錢糧惟有此數顧此未免遺彼  
此二十年來未經撥發之繇也亦謂淮上無積  
扣發而有可以支持完公者在耳不然一年自  
有一年之需尙歷二十年餘竟未一呈討也臣  
部不得不以調劑之法望之當事要使船上軍  
糈有相成而無相戾則所全者大矣等因具題  
已經奉有

明旨欽遵在案今總漕部院李待問復題前來仰除



事屬工部者聽該部另覆外其請發羨餘事程本部相應具覆案呈到部該臣等看得錢糧各有項款索用總屬

公家其間分項而給因時而酌無非共濟公事而已先是總漕臣李待問題

請一分羨餘爲江北脩船之費已該臣部詳具始末以次奏覆矣今乃復請撥發誠以昔之卹給於船料洒帶者不可復得而每歲脩艦又屬必不容已之需不得不望給於臣部也但羨餘一項

議單開載剩多解多剩少解少則解發原無定額卽據漕臣之疏每年谷扣銀七八千兩不等是在帑藏充裕之時數猶止此今當

國用匱乏之際豈能取盈惟念漕臣疏

請至再臣部何敢昧通融劑量之謀而忘同舟共濟之宜權衡今昔斟酌緩急合無每歲量留銀四千兩以佐脩船之費如有不足漕臣自行設處不得拘拘往例取給輕賁庶船工

國用兩相利而交爲濟矣旣經總漕臣具題前來

相應覆

請恭候

命下臣部移文各該衙門欽遵施行

崇禎五年四月初十日具

題本月十三日奉

聖旨依議欽此

覆松江府推官徐日曦開復疏

題爲新舊漕事已竣有司宜勞補過謹遵

明旨奏奪開復以寓激勸事雲南清吏司案呈崇禎  
五年三月十二日奉本部送戶科抄出據按直  
隸監察御史陳乾陽題前事內稱松江府推官  
徐日曦鑄級一事以無米之炊蒙折兌之罰去  
秋蒙

皇上因該部之請姑

准復二級俟新運完日另議此正日曦感激思奮之

時也于是竭蹶催僨靡敢卽安自冬徂春拮据  
三閱月而片帆盡皆北上此番運事視四年又  
覺倍蚤雖其盡瘁供職未敢居勞而前此之誑  
誤亦可以自贖矣且日曦向理廬陽以秉正不  
阿爲逆黨摧折荷蒙

皇上還以今官海內之人無不共仰

聖天子之浩蕩而想望其風采今理松又四年矣廉  
能茂著在人口碑是使得以益矢頂踵而竟其  
猷者皆

皇上之賜也

皇上予之卽自

皇上奪之以漕事而失之亦以漕事而復之何嘗累  
明主之知人適足以見

聖人之無我耳再查日曦于崇禎二年上海署印僅  
一月因該部查叅京邊未完繫降二級今據道  
府所報亦已全完矣所當與折覓未復之級并  
徼開復者也等因具題本月十一日奉

聖旨戶部知道欽此本月十七日又奉本部送戶科

抄出應天巡撫莊祖誨題同前事本月十七日  
奉

聖旨戶部知道欽此本月二十六日又奉本部送戶  
科抄出總漕部院李待問題同前事本月二十  
六日奉

聖旨該部知道欽此欽遵通抄到部送司卷查松江  
府推官徐日曦于崇禎三年六月內該巡漕龔  
一程撫臣曹文衡題叅折兌該本部覆奉

明旨降職五級至崇禎四年八月內又該巡漕御史

王邦柱以新舊運事告竣請復原降職級本部  
酌議覆

請十月十八日奉

聖旨徐日曦以無米折兌前疏奉旨已明何又代爲  
寬解既說兩運蚤竣姑准復二級候新運完日另  
議欽此在案今總漕撫按遵新運完日另議之

旨合詞疏

請將京邊未完原降二級一併開復該本司查得京  
邊錢糧事在冊庫隨移付查明完欠應否開復



去後今准郎中魏公韓付稱徐日曦於崇禎三年四月內該巡視太倉禮科等官馮杰等題參徐日曦署上海縣印該解銀三千九百餘兩止解到銀二千兩降職二級戴罪督催續于四年八月內解到一千七百兩止欠二百餘兩所寔已在九分四厘之上并應開復等因到司相應通行酌覆案呈到部該臣等看得

國家政事以動舉以怠廢懲怠以罰旌勤以勸此聖主磨礪鼓舞之大權也今松江府推官徐日曦先

以漕糧折兌降職五級繼以兩運蚤竣准復二  
級恭繹

明旨所爲必俟新運完日另議者誠欲晉本官自効  
之餘地也今日曦五年運事又報竣矣竭蹶數  
運歲蚤一歲則其黽勉

王事業從創艾之久著有勤勞况治行表卓又有  
不可泯者若以一時之註誤而遏抑其終身在  
聖明必有所不忍者矣至於上海未完京邊日曦署  
篆原止一季通查解過三千七百兩已完九分

四厘以上其缺額二百餘兩撫按疏稱道府續  
已報完自當一復全復無疑也合無仰祈

皇仁俯從撫按所請

特允復級以彰激勸庶功過分明賞罰攸當而人心  
亦裨濯恐後矣既經撫按總漕會題前來相應  
覆

請恭候

命下臣部行文各該衙門一體欽遵施行

崇禎五年四月十一日具

題本月十四日奉

聖旨徐日曦准再復三級餘俟京邊銀解到再議本  
內署印前稱一月後稱一季是何不侔又過抑終  
身是何說該司官著回奏欽此

題運夫幼子張家隆發回原籍追糧疏

題爲遵

旨具奏事雲南清吏司案呈崇禎五年正月二十二  
日奉本部送戶科抄出該本部題覆沔陽衛指揮  
張應斗幾斃杖下并掛欠多糧緣繇正月二十  
十日奉

聖旨運弁玩違勅內自有叅奏一款吳澄擅行懲責  
且改捏勅語支詞抵飾好生可惡姑着降三級調  
外任用該部奉旨議覆何得如此徇庇該司官姑

不究其張應斗所欠多糧曾否追完還着奏明該衙門知道欽此欽遵抄出到部送司遵卽呈堂咨行吏部并該撫按知會及劄坐糧廳查張應斗掛欠曾否追完去後三月二十一日奉本部送據管理坐糧廳郎中今降一級劉夢桂呈稱查得所陽衛已故指揮張應斗原領運江西瑞州府高安縣正兌米二萬一百五十二石一斗八升改兌米五千九百五十二石遼糧三千九百一十五石六斗二升七合本官途中物故應

襲張家隆同百戶史邦紀鎮撫陳一龍代運米  
及抵壩二弁棄糧潛逃惟張家隆見在交納前  
項糧米內正兌二萬一百五十二石一斗八升  
原坐舊太倉錦衣等衛辰字等廠交納續奉來  
改撥薊糧一萬八千七百一十三石該耗尖餘  
米三千一百九十四石六升五合八勺三抄一  
撮通共正耗尖餘米二萬一千九百七石六升  
五合八勺三抄一撮除交過運薊平米一萬五  
千一十二石五斗五升實掛欠平米六千八百

九十四石五斗一升五合八勺三抄一撮止實  
坐京倉兌運正糧一千四百三十九石一斗八  
升該耗尖米一百六十五石四斗一升九合三  
勺四抄九撮二圭共該正耗尖米一千六百四  
石五斗九升九合三勺四抄九撮二圭今移倉  
舊太倉查明完欠去後隨即准舊太倉監督員  
外郎石應崑回稱京倉止收過平米一千二百  
七十四石尚掛欠平米三百三十石五斗九升  
九合三勺四抄九撮二圭又坐撥通倉改兌米



五千九百五十二石遼糧三千九百一十五石  
六斗二升七合除交納外實掛欠平米一千三  
百九十五石六斗二升七合三項共掛欠平米  
八千六百二十石七斗四升二合一勺八抄二  
圭及查本幫下原領運淺艇七十四隻每隻該  
給羨餘銀四兩共銀二百九十六兩內扣掛欠  
貼邊銀九十三兩實應給銀二百三兩正糧二  
萬六千一百四石一斗八升該一分簞夫銀二  
百六十一兩四分一釐八毫內扣起欠銀七十

兩九錢五分二釐一毫實應給銀一百九十兩  
八分九釐七毫遼糧折大斛進倉米三千一十  
一石三斗三升該八釐釐夫銀二十四兩九分  
又該一分腳價銀三十兩一錢一分三釐三毫  
蕭把銀三兩四錢紙劄銀二兩通共銀四百五  
十二兩六錢九分三釐每石七錢折抵堪抵米  
六百四十六石七斗四合二勺八抄一撮實掛  
欠平米七千九百七十四石三升七合八勺九  
抄九撮二圭其應襲張家隆已於二月十九日

叅送刑部比追去訖等因到部奉批張家隆年  
若干聞尚幼穉然否張應斗之糧在江右時是  
否本官兌明聞有至儀復載之說果爾則應斗  
情有可原矣史邦紀陳一龍俱逃亦安得置之  
不問此事須處分停妥而後可以入

告查張家隆見在刑部卽提來質審明白亦未爲不  
可也雲南司查行奉此隨卽行文刑部福建司  
提取張家隆到司質審據張家隆供稱見年一  
十六歲因父應斗與百戶史邦紀陳一龍同在

江西瑞州等府水次領兌漕糧及父故後隨船前來其原兌漕米途中俱史邦紀陳一龍共爲料理不意未及抵壩二官先已潛遁及至交糧多有掛欠見蒙叅送監追等情到司據此案呈到部該臣等看得運弁掛欠漕糧法不容貸但其致欠根因微有不同不可不追究明白以使情法兩平今查沔陽衛指揮張應斗紅幫方抵儀真中途身故其去水次尚未甚遠而前途所管押者止一穉子張家隆耳夫以久涉漕務之

運官尚不能出奸旗之玩弄况幼穉如家隆乎  
掛欠之多未必非身亡所致也且百戶史邦紀  
陳一龍同幫領運應斗物故沿途稽核實二升  
之責及抵壩而皆逃顯有規卸之奸安得置之  
不問且應斗殞命業蒙

皇土垂憐穉子受累諒必

聖心所憫合無將張家隆發回原籍行令該省撫按  
提史邦紀陳一龍到官虛公質審一體監候追  
比俱令變產賠償務使漕欠確有着落明白具

奏以結前案庶無辜者不致久淹囹圄而掛欠糧  
糧不致遂成逝波矣相應題

請恭候

命下臣部欽遵施行

崇禎五年四月二十一日具

題本月二十五日奉

聖旨張家隆着發回原籍該撫按卽提史邦紀等  
公質審一體監追糧數完具奏欽此

覆總理條陳倉漕十二款疏

題爲欽遵

勅諭嚴飭倉漕事務以祛積蠹以裕

國儲事雲南清吏司案呈崇禎五年四月初一日  
奉本部送戶科抄出總理戶工兩部一切出入  
錢糧事務司禮監太監張爨憲題前事內稱漕  
糧歲額漸減倉儲日匱無增古云國無三年之  
蓄則國非其國臣每味斯語寢食不遑寧處何  
能設法取盈以裕儲積之計也臣於每月赴倉

抽擊驗放軍糧揆其倉庾之儲僅足一年之蓄  
事關

國計深抱杞憂謹就倉漕肯綮利弊列款膚陳雖  
不能有濟時艱實有裨於軍需多矣等因具題

三月三十日奉

聖旨奏內各款有裨釐飭該部酌議具覆欽此欽遵  
抄出到部送司查得總理疏內條議一十二款  
皆關切倉漕事務奉

旨下部相應逐款酌議具覆案呈到部該臣等看得



倉漕二政頭緒紛紜易於叢弊近來仰藉  
功令森嚴多方釐剔亦皆稍稍知畏然無如旗甲  
倉役之衆賢愚不一且陋習相沿已非一日所  
以未能一一洗心盡歸約束也今據弊端之大  
者而言如折乾如盜賣如插和如掛欠如僉旗  
如需索等項臣部與督臣急圖矯救補濟之策  
業經反覆題議至再至三矣今總理內臣張疊  
憲殫思釐剔列款上

請恭奉

明綸著令臣部議覆謹逐款酌議臚列覆

請伏候

睿覽裁奪

命下臣部通行遵奉施行

計開

一議裕京倉積貯

前件該臣等看得臨德二倉積貯原以防  
省直災荒支運京通補濟額之不足今  
總理據該倉呈報見在糧銀議設法解

京誠欲實京儲以固根本也但查二倉  
粟米近議每年解津五六萬石用兌轉  
運關寧軍餉之用今查崇禎五年臨清  
倉解津餘米三萬六千石德州倉餘米  
二萬八千四百三十三石二斗總理疏  
中所開米數頗多當在兩倉未運津門  
之先而抵今則不足此數矣况臨德兩  
倉除舊例支運外原有本地運軍衛軍  
月糧行糧循例支銷亦非緊行積貯者

也合俟今歲秋冬之間通查餘米確數  
多令解津以抵截留漕米之數仍將漕  
米之應截津者照數徑入京庾則京庾  
自覺其漸增矣至折銀一項臨清倉止  
九千二百餘兩爲數不多德州倉見貯  
五萬八千三百餘兩先經臣部議定每  
歲解餘銀約三萬兩抵克新餉歲入之  
數今歲亦已行文抵兌津門運價其餘  
與臨清倉俱有官軍折色俸餉等項亦

難竭澤而漁通侯移文查明果有餘剩  
勒令解京以佐帑藏之匱乏者也要使  
內外互爲灌輸相濟而不相病焉可矣

一議杜掛欠根源

前件該臣等看得領兌漕糧例有尖耗原  
無不足年來掛欠動以千百石計實緣  
官旗貓鼠侵漁非水次折乾則沿途盜  
賣未有專官爲釐剔也先該臣部題議  
責成糧道欠萬石以上罰俸半年二萬

石以上罰俸一年推而進之則漕道有  
通漕之責亦當以完欠多寡課其殿最  
如欠十分之一罰俸一年停其陞考卽  
欠至二十分之一亦當罰俸半年推之  
總漕巡漕亦有典守之責如掛欠數多  
卽請

天語詰責奉有

俞旨通行遵照在案今總理議請責成糧道適與臣  
部前議相爲符合所當再加申飭務期

夙弊盡除儲額不虧可耳

一議僉殷實旗軍

前件該臣等看得領運旗甲以尺籍一卒之微任漕糧數百之重所關甚大信非赤棍可任也節經臣部條議僉派殷實互相保認奉有

明旨今總理議責糧道遴選誠有見於該道身任其事奉行必力及查各省直旗甲僉報多在府廳而提綱在糧道要在秉公慎擇

不致賣富差貧允宜如議行之至於南  
京衛所食報例繇南京兵部亦照此議  
加意遴選庶領運既無窮旗全漕自鮮  
掛欠矣

一嚴禁揷和奸弊

前件該臣等看得水次漕糧原皆乾潔及  
至入倉率多麤惡到處揷和盡人爲奸  
漕糧之蠹莫此爲甚屢經漕臣條議防  
閑臣部申明禁革而卒不能盡祛積弊



者良繇法踈於上而僞滋於下也今總理議以毋船之奸弊責官旗而抽驗聽之務關以起剝之奸弊責船戶而摯者聽之通廳以閘河之奸弊責運役而摘發聽之通橋以進倉之奸弊責車戶而辨驗聽之各倉庶稽防綦密而宿習可更矣

一嚴禁詐稱借庇

前件該臣等看得漕米入倉立法晒揚正

欲釐剔插和之弊也司庾者惟知執法  
驗視務求乾潔已耳安問其爲鄉官當  
道乎但奸詭官旗自知米色不佳或假  
借名銜冀南陽之不可問者有之今總  
理整肅漕規預爲防杜所當申飭各倉  
無令以情面撓法紀也

一嚴禁轉販菁蓆

前件該臣等看得漕船蓆片爲苦困鋪販  
之需長短尺寸自有定制近來官旗希

圖小利多不如式各倉雖有折罰之例終不若合制之爲得也但蓆片原非實旗自置悉皆鬻於市販若任蓆片之窄小必致漕糧之汜爛總理議加申飭合無行令京通二糧廳諭令販賣人等各投甘結如式製備以聽官旗之收買則短小者不得挽入而苦蓋鋪墊皆獲實用矣

一禁革戀蠹積貯

前件該臣等看得各倉官攢一年役滿例也而又有守支數年者謂其糧米經手不便更易又出於例之外也惟是法弊生官攢得守支之利反營停放致虛糜今議修復挨陳支放之規則營幹停留之弊將不期絕而自絕矣以後仍令經管倉米有放剩至五千石者勒令查明盤糧交代不惟守支銀糧可以節省而去一積戀官攢便杜一蠹蝕實孔

是亦清漏卮之一端所當申明各倉加  
意遵照者也

一申嚴收糧成憲

前件該臣等看得漕糧掛欠責在官旗而  
一乘機需索弊在倉役先該臣部條議有  
衙門使費宜絕一款凡運弁指稱打點  
索及官旗者許令訐告仍責京通二廳  
查訪據實申報以憑題叅究罪奉有

欽依在案今總理議請申嚴官旗掛欠之例凡五千

石以上者按法議處而尤禁絕官攬倉  
役奸弊陋規誠以官旗使費出自漕糧  
倉役需索實爲漕蠹非嚴加究處無以  
杜掛欠之源也所當通行各倉嚴稽有  
犯必懲庶宵小畏法而諸弊潛銷矣

一議定放糧印票

前件該臣等看得各軍糧票印信是憑若  
關防圖書並用衛印司印參差事不盡  
一易於叢弊今總理議定糧票以除弊

竇誠剔弊之要著也臣查放糧平頭交冊例用衛印而糧票則向無定議頗覺雜揉卽關防圖書斷在必革而衛印司印猶互持而不相下審如總理之議盡用衛印而令經歷司磨對掛號則稽查旣密而職掌各得矣又近日戎政總督李守綺議立給籤關米之法亦經臣部議覆奉有

欽依籤票並爲防閑法紀益章詐冒可杜在此舉也

一放糧遇雨改期

前件該臣等看得各倉放糧俱先定日使  
官軍咸知期會便於赴領若當秋夏霖  
雨之日必拘原示日期則便軍者適以  
苦軍卽踐踏黏帶之餘顆粒寧非儲糴  
哉今總理有見於此放糧如遇天雨停  
止改期在各軍無冒雨之苦而倉廩亦  
免淤濕虧折之耗矣

一修整倉廩晒場



前件該臣等看得倉中囤基晒場爲糧米  
求乾潔之地而厰座又爲軍儲收貯之  
所不加修整則竭數千里輓輸之力而  
來者不免日久而浥爛今總理目擊倉  
厰傾圯囤基毀壞晒場坎圯議請修整  
蓋以糧米所關綦重誠恐一有未備或  
致朽腐之患耳但每歲修倉工部原有  
成議至於囤基晒場則置之勿問久矣  
乃倉糧必藉此而後乾潔關係亦重頃

員外郎張亮亦曾條議及之是當移會  
工部并爲修葺務爲一勞永逸之圖盡  
免泥沙浥爛之虞可也

一嚴禁誑騙需索

前件該臣等看得漕運單例自水次以至  
交糧罰例昭然孰敢少貸但不肖官旗  
覬覦漏網陰事鑽營以致各衙門人役  
遂得指借罅隙巧行誑騙臣部申明禁  
約不啻再四今總理題議領運官旗及

衙門人役如有故踵前弊許被害人告  
發或緝訪得出與者受者一併叅處則  
功令峻而人自不敢以身試法矣

崇禎五年四月二十五日具

題本月二十八日奉

聖旨倉漕事關錢穀蠹弊叢生法宜嚴剔以裕積儲  
各款既經酌妥依議飭行欽此

題覆漕糧永折災折數目疏

題爲導

旨查奏漕糧并永折災折數目事雲南清吏司案呈  
卷查先該本部具題前事奉

聖旨這查奏漕糧永折災折地方數目緣繇知道了  
內永折一項銀數多寡參差係何緣故是否確規  
還着各該撫按查酌具奏欽此欽遵隨即呈堂奉  
行各該撫按遵

旨查酌具奏去後崇禎四年六月二十三日奉本部

送戶科抄出鳳陽巡撫李待問題前事內稱永  
折一項蓋

朝廷加惠窮民憫其力之不贍而寬之者也就中  
酌地之肥磽或酌災之輕重揆量得當而後  
數定焉故江北永折之地如泗州如安東如興  
化皆下疲州縣也其折價皆以五錢爲規項奉  
旨令臣等查酌確規臣等凜惟

明命行府行道再三覆覈咸以舊貫爲請在泗州爲  
國家根本要區其地岡巒參錯淮汴各水分爲巨

浸時旱時澇卽值稔歲而收成亦薄五錢之折  
爲

湯沐疲民慮至深遠也在安東居黃河下流一壩  
之外卽爲洪濤河決以來蕭條如故在興化卽  
古之昭陽素稱水國所云五湖六十四蕩占地  
已多而水面盡支爲田賠稅日苦兩邑俱折五  
錢職此之故是以與河南山東改折同而銀數  
不同爲此議者不知幾經勘實幾經酌處而後  
會題部覆奉

旨永遠遵行邇來災沴頻仍迭亡日甚回視前數十年光景又何啻蓰倍所以計臣昨歲據臣等咨具疏入

告將三州縣永折仍議照舊五錢老成謀

國良有深見已奉

明旨臣等隨經宣布

皇仁行令照例徵解今日者寬一分民受一分之賜正在

聖慈舉念間臣等據實回

奏不敢不以窮黎苦情再一控陳也等因六月

十一日奉

聖旨該部覈議具覆欽此又奉本部送戶科抄出直隸巡按御史史堃題同前事奉

聖旨已有旨了該部知道欽此本年七月初七日又奉本部送戶科抄出河南巡撫吳光義題前事內稱河南漕糧本色之外有永折一曰五八折一曰二六始於萬曆十九年戶部勘合所載以五萬石每石折銀八錢二萬石每石折銀六錢邊



行四十餘年矣至於價銀參差先年原奉部文  
裁定便是確規若照臺臣宋師襄議槩折七錢  
則減五萬之八錢以加於二萬之六錢爲力  
易本省猶可歲省三千金但多事之時寧增勿  
減合無仍舊徵納爲便等因七月初五日奉  
聖旨戶部知道欽此又奉本部送戶科抄出河南巡  
按御史李日宣題同前事奉

聖旨戶部知道欽此本年七月十七日又奉本部送  
戶科抄出山東巡按余大成題前事巡按御史

高捷差滿報

命見離地方未經會題內稱濟兗東三府改折漕米  
共七萬石內有八折六折之分始於弘治二年  
世代已遠其所折參差之故無從查考然折八  
錢者有五萬石折六錢者僅二萬石則多寡之  
相殊或先年裒益之至意且折而曰永所以  
遠募也迄今不得減之而下自不得增之而  
矣相應仍舊以遵成規等因七月十五日奉

聖旨戶部酌議具覆欽此本年九月初六日又奉本

部送戶科抄出直隸巡按御史饒京題前事內  
稱嘉定一邑土勢高亢多不宜稻而宜花至傍  
海一帶每年海沙所積幾滿臣三月巡歷海上  
果見滄海而桑田總不宜稻謂其不貯水也嘉  
定之永折職此之故詳觀刻冊俱係題請

允行每石議折七錢自改折之後年年無異惟萬曆  
十七年大荒槩議五錢止此一年耳至淮兌之  
議六錢者其往前之耗贈原與漕兌多寡不同  
到淮與到京道途未及一半所以有六錢七錢

之不同也臣屬四府止此一邑永折議確已奉  
無從變更等因九月初四日奉

聖旨該部知道欽此又奉本部送戶科抄出應天巡  
撫莊祖誨題同前事奉

聖旨該部知道欽此崇禎五年四月二十三日又奉  
本部送戶科抄出湖廣巡撫今華職聽勘魏光  
緒會同巡按御史白士麟題同前事內稱漕糧  
永折一項緣楚省有不通舟楫去處先年題

准每漕糧一石折銀七錢永爲定例災折一項則因

天啓元年黃梅等八州縣被災題奉

明旨每漕糧一石折銀五錢蓋緣恤災之故是以較  
永折例每石減折銀二錢此銀數多寡參差之  
故也若夫永折例定不必言矣災折一事似應  
衡量每年各州縣有無被災係是何處如果應  
折則自有天啓元年之例在如其歲事豐稔京  
坻露積則仍輸本色亦不爲厲何必預擬一災  
傷之名懸定一災折之例而必比擬折解之爲  
快哉等因四月二十一日奉

聖旨戶部知道欽此欽遵通抄到部送司卷查先該  
本部具題前事遵

旨行文各該撫按查酌永折銀數確規緣緣其原  
河南山東南直四處撫按先于四年六七九月  
先後具題抄發到部因湖廣撫按疏尚未至不  
便議覆今湖廣疏抄已到相應遵照屢

旨一併酌議具覆案呈到部該臣等看得

國家所藉以充倉庾給軍實者惟此漕糧乃四百  
萬石之內有改折三十二萬餘石其銀數當多

甫在議折之日必參互斟酌至於無可增減而始定名之曰永折亦以事可經久而無容更議耳今據各撫按會題疏中所稱泗州則爲湯沐疲民安東則爲河濱瘠土興化則爲水涸糧俱節經勘議會題奉

旨每石議折五錢誠以凋瘵之極正供尚屬難堪安能比擬他省議增而重困也湖廣該永折漕糧三萬七千七百餘石每石槩折七錢固已原無參差河南山東二省各該永折漕糧七萬石內

五萬石俱折銀八錢二萬石俱折銀六錢內分  
五八二六之異其源遠矣無可追考如以七錢  
爲準則賦於民者每歲反減去三千兩不若仍  
照原定之數爲無損

國課也至嘉定一縣地盡沙磧宜棉木而不宜禾  
稼是故全議永折漕糧一十萬六千四百餘石  
內正兌米十萬餘石原係解京每石折銀七錢  
改兌米六千四百餘石原係解淮每石折銀六  
錢因地有遠近遂折有多寡而臣於此不能無



議者嘉定正色每石折銀七錢較之河南山東  
五八之數已減其一而改兌復以六錢折納虧  
課不既多乎合無自今伊始槩折七錢計改兌  
米六千四百餘石每歲增銀六百四十餘兩庶  
于裒益之中少示畫一之意耳至災折一項原  
因歲歉無秋暫議改折如湖廣黃梅等八州縣  
每石槩定五錢一折之後習爲固然是與永折  
何異相應酌議目下自五年爲始仍均折七錢  
如異時歲事豐稔仍改爲本色乃於恤民之中

不失裕

國之意其餘山東等省泗州等州縣伏乞

呈上俯從各撫按所奏將永折銀數仍照先年題

准規則庶有司知所遵守而群黎安心樂輸不致重

爲民困矣恭奉

明旨着臣部覈議相應覆

請恭候

命下臣部行文各該衙門一體欽遵施行

崇禎五年五月初五日具

題本月初八日奉

聖旨依議行欽此

國儲重務人命關天地方坐視不救哀懇嚴查著  
落賠補救命等情據此看得燬糧殺官事關重  
大今據該弁具呈前來擬合轉報等因到部奉  
批雲南司查議速題奉此查得大夥強賊焚糧  
殺人劫奪官銀事干異變相應具題案呈到部  
該臣等看得

畿輔近地莫過珥盜爲先錢糧經過尤宜加意防  
護河西務爲漕運咽喉目今糧艘踵集各該地  
方更當萬分戒備卽各該糧船亦宜互相聯絡

共爲救援者也乃應天衛已故指揮耿秉孝管  
解漕糧船抵務關滿望指日登庾今突被大夥  
強賊燒燬糧米五百六十餘石劫去官銀七百  
餘兩最可慘者主作爛額之魂僕爲刃下之鬼  
任賊縱橫而不能問地方捕盜官役其踈玩可  
知矣伏乞

勅下順天撫按嚴查失事地方果係何縣所轄其燒  
燬糧船應該作何著落賠補一面責令失事員  
役速行勒限緝捕務獲真盜真賊以後糧船經

題運弁耿秉孝被盜劫殺疏

題爲大盜劫殺官軍燒燬船糧事雲南清吏司案  
呈五月初九日奉本部送據管理坐糧廳署郎  
中事主事今降一級劉慶桂呈前事內稱據應  
天衛已故指揮耿秉孝下百戶王用賓呈開奉  
衛幫船于四月二十七日過關跟幫淺阻河灘  
務丁家莊候剎前進於三十日夜三更陡遭大  
賊強盜六七十人各持利刃明火執杖蜂擁上  
船登時殺死僕人耿元耿書繼而砍斷指揮耿

秉孝右膀鎗透左背通身火熾盡皆焦爛劫去  
解京完糧官銀七百二十兩告剝小封銀三十  
三兩六錢衣物等件罄劫一空放火將本官乘  
座旗甲黃道行漕船燒燬糧米正耗五百六十  
餘石盡成灰燼當喊地方救護似若罔聞及移  
文香河武清二縣亦未見嚴緝正法今本官受  
傷火氣攻心至初二日亥時身故隨報務關戶  
部分司蒙委香河縣衙官臨船相視見今停柩  
在船

過俱令多撥鄉兵沿途防範庶道路肅清而緣  
林可靖矣既經該司案呈前來相應題

請恭候

命下臣部行文各該衙門一體欽遵施行

崇禎五年五月初十日具

題本月十一日子時奉

聖旨護運已有屢旨如何近畿盜黨戕官燬糧地方  
全無警援印捕各官所職何事且又未見申報尤  
屬却匿可惡卽著該撫按嚴查該管各官職名并



失事情速奏其燬過糧數嚴責陪補仍勒限緝盜  
務獲以後漕艘經過著地方官加意防衛如有疎  
虞決不輕貸該衙門知道欽此

題催五年輕賣糧道隨糧并解疏疏

題爲輕賣隨糧並解業有專責懇乞

嚴飭省直糧道如期湏發以免再誤急需事雲南清  
吏司案呈卷查先該戶科都給事中解學龍題  
爲條陳輕賣事宜以杜弊竇等事崇禎二年二  
月初九日奉

聖旨這輕賣銀兩積弊已久委宜清覈今後着各省  
管糧道臣自賣自發事竣冊報部科有欠少的  
卽於該道臣名下追補餘七分并河南山東銀

徑解京庫其應發時該管坐糧司官申請堂劄關  
會該科總聽稽查不得如前任意銷用歷年拖欠  
已有旨立限嚴催着再申飭欽此續該本部仍將  
科臣原疏逐一查議具疏覆

請崇禎三年三月初十日奉

聖旨這輕賫支放分骨責成依議行還著嚴催外解  
歲扣餘銀充餉欽此又該本部題覆總漕部院李  
待問題爲輕賫隨糧之法當嚴道臣併催之職  
當盡等事崇禎三年五月初五日奉

聖旨輕賚原係隨漕今漕務已繁責糧道豈輕賚又  
有另屬前旨甚明不必曲解這所報行咨日次組  
道了司府係錢糧總關蠹藪亟宜振剔若州縣捏  
數虛報上官何不查叅以後著一體嚴核爾部再  
通飭行欽此欽遵俱經通行各該衙門一體遵奉  
在卷今照各省直漕糧陸續已報過濟抵津至  
於四年分輕賚銀兩咨催不啻頽禿僅河南解  
數解納山東尚未完七百餘兩其餘各省直並  
無解到見今待需孔亟相應題

請再行嚴飭督催案呈到部該臣等看得輕賚一項  
原係隨糧派徵自當隨糧並解不得延緩向因  
解淮解通中多轉折甚且任意侵那以致積欠  
數夥先該科臣解學龍有條陳輕賚事宜一疏  
總漕臣李待問有輕賚隨糧之法當嚴一疏大  
都議定以三分糧道帶解沿途備用以七分委  
官徑解京庫收支復該臣部議

請一項錢糧不便分爲兩解欲一事權必盡責成糧  
道一併解京覆奉

俞旨通行遵照所爲圖實濟而克

國用者亦旣無遺議矣竊謂糧道諸臣自宜查照  
新例奉行唯謹共襄運事倘完解寥寥積逋如  
故又何貴於一番更張也乃今各省直糧艘漸  
次抵津抵通見在剝運進倉而輕賫完解者僅  
河南一省山東尚欠七百有奇其餘各省直如  
浙江應額解銀一十萬四千五百四兩七錢零  
江西應額解銀七萬一千六百九十五兩湖廣  
應額解銀三萬六千八百二十八兩二分零應

天府屬應額解銀一萬二千七百二十八兩零

太道屬應額解銀五千九百九十五兩徽安道

屬應額解銀一萬五百六兩二錢五分蘇松道

屬應額解銀九萬四千四百八十八兩三錢五

分零常鎮道屬應額解銀三萬一千七百八十

九兩五錢潁州道屬應額解銀四千七百二十

三兩一錢零淮海道屬應額解銀二千六百八

十兩一錢五分零淮徐道屬應額解銀三千二

百一十兩八分零楊州道屬應額解銀六千八

百一十三兩九錢零俱絕無解納則隨糧之義  
何居况漕糧盤剝製袋募夫顧車種種經費多  
在春夏之交約須二三十萬近除用過庫存數  
萬外又將新餉借用者補還五萬五千兩亦復  
立盡實難湏臾緩待臣部催檄再三呼之不應  
今各糧道俱已次第前來不知此銀果隨帶在  
船乎抑仍番滯在省直也若再延捱觀望必悞  
運事伏乞

皇上重加嚴飭仍責糧道照依原數務令隨糧完解



於五六月俱到倘糧完而未解或解而不完卽  
着糧道備開經徵拖欠有司職名臣部照考成  
例同糧道一體叅罰庶新例不托空言而漕輓  
亦有實濟矣旣經該司案呈前來相應題

請恭候

命下臣部轉行各該衙門一體欽遵施行

崇禎五年五月十一日具

題本月十三日奉

聖旨輕賚隨糧並解屢經嚴飭據奏各省直多未解

納怠玩可惡依議限各糧道于五六月通完違者  
併拖欠有司一體叅罰欽此

覆臺臣謝三賓陳設漕鎮利病疏

題爲漕軍困苦已極

聖明撫恤宜先并陳設鎮利病仰祈

裁酌事雲南清吏司案呈崇禎五年四月十五日奉

本部送戶科抄出陝西道試監察御史謝三賓

題前事內稱竊觀

國家歲儲仰給漕運根本大計莫此爲先但水輸  
陸輓道遠途危所以致此良自不易今漕運官  
軍可謂十分凋敝而每歲掛欠復不下三四十

萬上下交困法宜變通臣竊謂衛弁旗甲世受國恩報効馳驅分所應得然孰有子子孫孫年年月月奔走寒暑終無息肩如此其勞者於此而多方撫綏俾有利樂猶或可繼迺敲朴吮吸無所不至彼獨非人而使至此極乎蓋官軍之累總繇掛欠之多掛欠之多總繇剋剝之衆舊例糧船一隻月糧五十二兩八錢行糧十六兩五錢此外無復錙銖之入而月糧解三月以歸通庫番二月以備考成共不過五十金卽顧募攬

頭拏舵外水人等已不敷矣况剋剗衙門棋列  
星布臣聞監兌衙門有費把總衙門有費糧道  
衙門有費交糧衙門有費催船委官有費起剗  
船戶有費過壩經紀有費更領輓交輓衙門有  
費領瓶交瓶衙門有費約而計之非二三十金  
不可此二三十金者天降耶地出耶其耽耽睥  
睨舟中之粒而折乾盜賣固勢所必至矣當事  
者不察以爲皆官軍侵漁寧知受其累者一人  
而食其利者又一人耶

皇上若欲撫恤窮軍亦惟痛車剋剝之弊而全給月糧無解通無晉府則掛欠自少而漕累得稍蘇矣臣又聞條陳護漕者欲復漕鎮竊以爲非耳也古今事體不同利害分數不敵有萬宜詳慎者說者謂增一官則增一剋剝自此每年掛欠當多二三十萬臣謂計此猶後也又謂舟行首尾千里官軍未能一呼卽集空有訓練之名無益緩急之數臣謂計此亦後也臣所不可直謂無軍可練耳

祖宗之制每船旗甲一名旗軍十名皆取之衛所其人  
比閭同心指臂相應故號令得行自衛所凋敝  
以後旗甲一名尚難其人安有旗軍十數今所  
號爲水手者皆沿途顧募無籍貧民耳往回與  
值三兩得錢之後徃徃逃去及其在船之時復  
多方凌辱旗甲鼠竊狗偷甚受其累今試下一  
令曰某旗甲同旗軍赴某操練竊恐總鎮能得  
之旗甲旗甲不能得之水手也況以重餉久練  
之卒尚多遇敵輒奔彼無籍無餉無械無甲之

人有何顧忌而不鳥獸散竊謂徒增煩擾重困  
官軍無資脩禦故曰古今事體不同利害分數  
不敵也無已則有一策于此今各省皆有督漕  
把總押漕糧道若總領可以練全漕之軍則把  
總亦可以練一省之軍請暫

詔糧道與把總先將各省運軍酌議訓練并令條上  
利病方畧苟其相安有效然後設鎮未爲晚也  
夫漕運大事也護漕大計也臣有何嫌忌而不  
亟贊其成第愚魯之冒實見未便是以不避



威嚴直陳未議等因本月十四日奉

聖旨漕運官軍甚多科索經過各衙門何故不詳查  
嚴禁至操練應屬衛弁今但責成把總是否成法  
併月糧應否全給俱着該部酌議具覆欽此欽遵  
抄出到部送司查得陝西道御史謝三賓題議  
全給漕軍月糧嚴禁各衙門需索著糧道把總  
訓練漕軍皆關切漕務奉

旨下部酌議相應議覆案呈到部該臣等看得漕糧  
一事掛欠之虧

國儲需索之虞運弁言弊端宜剔者皆以此爲首  
務先該臣部列款具奏大都因時申飭隨事禁  
革亦旣屢奉

俞旨矣但申令雖頒而遵行不力况漕務統攝之地  
漕艘旣多經繇之途更遠卽加意防察而不無  
法外之遺奸固其所也臺臣謝三賓因見漕軍  
困于剝削而歷指其經歷之地需索之人必非  
無據而云然者今當行令内外大小衙門凡關  
涉漕務者務要痛加禁革一切下役凡有科索

情弊或被訐告或繇廉訪卽令盡法坐贓依律  
究治庶人心知警而軍困少甦矣至訓練一節  
爲防漕要著近多議復漕鎮而臺臣獨以爲不  
可總謂無軍可練耳蓋每船雖有十人之多自  
旗甲而外水手皆係顧募烏合萍踪心力不合  
焉能責其備禦而儼然成十萬之師哉臺臣又  
謂萬不得已與其設漕鎮無寧責成糧道把總  
共爲訓練良以一衛軍旗統之衛弁而一省衛  
弁又統之把總衛弁猶是更番押運把總原係

題奉

欽依率多選擇而使是宜行諸糧道督同把總統領  
衛弁將所轄各衛在運旗軍酌議訓練俾各前  
後聯絡隱隱有率然之勢仍著總漕會同巡漕  
御史條上方畧期於相習相安可行可久則無  
設鎮之費而有訓練之實其于緩急亦有濟矣  
若扣存月糧原欲留此以抵補京通之掛欠儻  
全給之而欠可少亦奚必先扣之以待其欠乎  
臺臣之言必有所見請行總漕及各省巡撫將

領運各軍應得月糧向之晉府解通者照數關  
給窮旗不至因空匱之苦而啓侵盜之萌或亦  
恤軍彌弊之一策也恭奉

明旨著臣部酌議謹披瀝具覆恭候

命下臣部行文各該衙門一體欽遵施行

崇禎五年五月十二日具

題本月十五日奉

聖旨漕軍剝削多端積弊可恨謝三賓本內所指科  
費各衙門卽著戶工軍漕該管各官立法釐禁自

行條奏來看旗軍作何訓練併月糧全給雖似恤  
軍何以抵欠是否可行通著總漕同巡漕御史權  
議具奏欽此

叅究奸書阮允耀假文假印疏

題爲摘發書役奸弊懇祈

勅下法司究問以重漕務事雲南清吏司郎中潘永  
圖案呈職受事本司甫及兩月惟慮漕務易於  
府奸胥役積習難改見今崇禎三年分截叅在  
卽中有分幫分認等項務必直窮到底蓋以往  
事原未經手不厭倍加詳慎猶恐文書或致  
閣五日每一搜查適五月二十五日翻簡卷冊  
忽從火房地下得小紙一條細書堂批姚守虞

臨運潛逃尤屬可惡准分欠糧一千石著姚守  
虞賠補仍咨該撫監追候截叅

命下定奪等語職思近日並無此案得無向來在  
乎卽備查故牒姚守虞係何衛運官代何人分  
欠則簡有杭州前衛千戶陳萬言者本年三月  
內于職未任之先具呈本部爲懇電全單法究  
棄逃責成典守救命完漕事備稱本衛指揮姚  
守虞領運規避隔累萬言代押致各旗乘隙侵  
漕掛欠平米三千一百餘石西曹血比不甘呈



請提究等因奉有堂批據呈代姚守虞領埋因  
而掛欠數多陷身囹圄應否勒令包賠若干雲  
南司查議奉此該前任署印主事林弘衍呈堂  
備言當日水次不知果係何人領兌倘萬言受  
兌折乾而欲守虞代爲分認糧欠重大不敢輕  
議合咨該撫查明旋奉堂批移咨查議總未嘗  
有著守虞分欠一千石之批也胡爲哉忽有  
紙乎事涉可疑卽行京糧廳會查是何月日有  
無奉准部劄隨據京糧廳主事周天祚手本果

于本月初旬奉有部劄仰本官照劄事理遵行  
截叅該廳反覆劄中語意正屬疑信卽擬過司  
面商今准前因相應回覆并繳原劄聽裁本  
備覽劄付前開陳萬言原呈後捏本司代爲稱  
累稱寃宜令守虞幫貼三分之一且捏本部前  
項分欠假批矣詳諦之本職邊僉假也本部花  
押假也標日假也甚而堂印亦假也不禁髮指  
卽將各役逐一究審辦其字跡則係貼寫奸書  
阮允耀所爲刑鞠之下自供萬言于本年正月

內先與花綉二疋銀三兩後于四月二十日又  
與銀十七兩要將本升欠糧分派守虞名下約  
定事妥再酬銀三十兩因見本部及本職不肯  
懸斷分欠前賊無著該弁聲言赴廠告理一時  
情急遂造偽劄希冀朦行卽刑部亦用假咨移  
會矣不意天厭其惡旋敗露於墮地之細紙也  
職詢假印何以雕刻允耀堅稱係本職所刻  
硬紙細竹描摸成就責令面描允耀用硬紙一  
片擬裁四方稜角後削竹片成條胭脂塗染下

用真印爲式筆筆映合頃刻立辦宛爾酷肖不  
覺震駭其神通困再刑審有無同謀行用幾次  
該犯堅稱僞造俱出于手因陳弁嚇告無柰  
一爲之實未敢再試也竊思

功令何等森嚴假印何等律例而允耀乃敢如鬼  
如蜮以身試法亟宜申請叅送明正厥辜至陳  
萬言用賄串奸巧圖脫卸亦應一併提叅案呈  
到部該臣等看得漕糧之完欠

國儲之盈縮係焉故銷算必求其清截叅必臻其

慎臣部向來持之甚堅未敢輕爲分派令張冠  
李戴也乃該司奸書阮允耀私受賄囑假劄飛  
洒捏造該司說堂臣部批詞無不備具將陳萬  
言掛欠之漕糧徑欲脫卸一千石于姚守虞名  
下卽臣部印信亦不難一手描成真久膽神奸  
哉倘非司官潘永圖早爲覺察呈請臣部研究  
其僞恐奸書表裏爲蠹而奸弁增減任情臣  
欲巧用鈎距何能於意外懸料照徹重垣乎漕  
糧事重假劄可賊積猾舞文法難輕貸及核部

印雖出描摸但查新例有但僞者斬之文則允  
羅固有罪不容誅者矣合行具題叅送伏乞  
勅下法司將奸書阮允耀奸弁陳萬言各按律例  
懲以警群奸而彰

國法卽臣部亦可以肅清胥役不致釀蠹而滋戾  
矣臣等猶恐魍魎之技別有熟試已令該司移  
文總督倉場及京通二廳凡有文移關會盡行  
搜剔稍涉疑似務要一發全發如或別有奸弊  
再行奏

聞併寃可也既經該司查審明確案呈前來相應題  
請

撫按會題前來相應覆

請恭候

命下臣部行文各該衙門欽遵施行

崇禎五年六月初四日具

題本月初六日奉

聖旨錢糧考成例屬該部至以侵欠議處事關官評  
應聽考功羅羣衮等還著同吏部確議奏奪其侵  
沒銀兩脫逃各犯依議責成見任各官勘追嚴緝  
勒限完解違者叅治曾櫻是否告病回籍著該司



官奏明欽此

登未完銀六百零八兩六厘見在監比嚴追外  
惟脫逃之銀匠王效胡宇王志三人據原招共  
侵銀五千六百四十四兩零銀數獨多同事諸  
姦不無閃爍推諉之情

朝廷數千百金錢豈容付之波逝且今奉有

明旨追究而鬼脫者尚未就獲見在者又可聽其影  
射乎則此五千六百四十餘金亦合於宣大成  
池鳳岑張宇名下比併追賠已經行府監候勘  
產另報其王效等三人請乞本院一面檄行各

屬添差勒限掣獲一面請

旨通行省直府州縣備開年貌姓名逐處挨緝庶錢糧得有着落巨蠹不容漏網似可以答

明旨而釋憲慮矣至於羅華衮無辜被累宜先爲昭雪以表旣去之循良而知府通判等官委無他弊法亦難於苛索等因到臣該臣會同巡撫應天等府地方都察院右僉都御史莊祖誨看得武進縣被侵錢糧據王國祚原疏所開共十二款內係知縣羅華衮經手者止天啓六年分撮

江健勇銀七百六十二兩一項耳其餘輕賞金  
輒等銀則皆署印通判鄭大禮李魯士所接管  
者也當日華袞發銀賀才領解而爲之轉文案  
押者知府曾櫻也武進距府數武而近華袞每  
解錢糧必於親謁面求登記其防奸亦可謂慎  
且密矣至於轉解之後奸胥通同包棍之侵盜  
則非其所能逆料也今於宣大成等名下已經  
如數追補則非惟華袞之局已完而并曾櫻之  
跡亦明矣鄭大禮李魯士被侵之數至八千五

百餘金亦皆係起解之銀如謂有所染指可保其必無然而代庖之官傳舍其事或以覺察之少怠遂致蟲蠹之叢生似亦不能辭其咎者及若宣大成池鳳岑王就登張宇等以包天之膽恣填壑之慾經承包攬狼狽烹分既侵其領解之銀復侵其補庫之銀追併數年僅完二千四百五十餘兩其五千六百四十餘兩悉委於竄匿之王效胡宇王志矣夫王效等皆異鄉銀匠卽有侵漁亦不過分大成輩之餘潤耳何至多

金盡入其手乃一任其兔脫而莫之蹤跡乎其  
不得令見在之神奸而求遠逝之流棍又寧俟  
再計耶茲據府縣所確查該道所覆覈其經手  
之職名侵分之胥役與夫追比之完欠一一具  
在宜將羅華衮被詰之事先爲昭雪其王效等  
未完銀五千六百四十餘兩俱於宣大成等名  
下照數嚴追俟王效等獲日另議等因四月初  
七日奉

聖旨武進一縣錢糧多被群奸侵匿官則諉咎去任

通判吏則駕賊脫逃銀匠種種徇飾既說縣治近  
府原差賀才攬賄分肥羅華衮漫無覺察防奸何  
在曾櫻委解匪人致被侵盜均難辭責著分別議  
處鄭大禮等應否以去任免究一併議奏未完錢  
糧著見任官嚴追速結該部知道欽此又於四月  
十一日奉本部送戶科抄出應天巡撫莊祖誨  
題同前事四月初九日奉

聖旨已有旨了該部知道欽此欽遵通抄到部送司  
查得直隸巡按陳乾陽會同應天巡撫莊祖誨

具題武進縣被侵錢糧未完銀五千六百四十  
餘兩俱於宣大成等名下照數嚴追知縣羅華  
袞知府曾櫻奉

旨著分別議處并署印通判鄭大禮李魯士一併議  
奏相應議覆案呈到部該臣等看得錢糧之侵  
匿創懲不肅則無以儆積玩而清

國課然而處分之法惟平惟允可以服人武進錢  
糧中飽巨猾責當時府縣正官以防範之疎夫  
亦何辭第備查撫按原疏各官如羅華袞等經



手日月灼然難混其在正印之任內者殊少在  
署篆之府倅者居多乃鄺大禮業於崇禎四年  
大計以貪處矣李魯士又於崇禎元年以致仕去矣  
此二臣者果有侵染隱情卽行原籍提追亦復  
何恤惟罪止失於覺察今已無級可降無俸可  
停似應褫其冠帶革職爲民以爲冥頑不靈之  
戒者也若羅華袞經手原止操江健勇銀七百  
六十二兩已經解府祇以府委非人未免李代

桃僵恭繹

明旨森嚴臣等未敢輕徇似當降職二級姑令照舊  
管事以爲覺察不早之戒者也若知府曾櫻者  
縮錢糧出納之樞而俾包棍得以冒領侵分疎  
虞之咎所不能免然亦止于健勇一項其餘皆  
係署官經管今已告病回籍似當于題補日降  
職二級以爲出納不慎之戒者也乃若經承胥  
役池鳳岑宜大成等暗侵公帑用肥私囊此其  
神通甚廣家資必豐迨至事敗研審追比輒復  
經年逾歲左支右吾非諉于無賴之銀匠則却

于脫逃之奸棍既遂延捱之計愈長奸猾之膽  
所當遵照

明旨責成見任府縣各官盡法查比卽于見在各犯  
勘產搜抵務求通完仍將脫逃各犯嚴行緝捕  
正法臣部再將此項錢糧載入考成不分何項  
原係侵蝕之餘勒令完日一體解部若再延捱  
不完縱弛不捕卽將經管各官叅罰住俸要于  
大伸

國法震懾宵小誠非可以姑息從事者也既經該

覆輕賫侵久叅罰羅華衮曾櫻疏

題爲微臣離任四年輕賫株連忽及全疏兩月不  
傳控籲萬不容已謹據實剖陳伏乞

聖明勅部併行查明以免牽累事雲南清吏司案呈  
崇禎五年四月拾壹日奉本部送戶科抄出巡  
按直隸監察御史陳乾陽題前事內稱據常鎮  
兵備道右叅議吳麟瑞呈稱武進縣錢糧被侵  
一案欽奉

明旨查覆其經手之職名與前後分侵之胥役遞年

追北之完欠據該府開造文冊歷歷井然查羅知縣任內起解錢糧止天啓七年操江健勇一項係解府轉解其責在府而不在縣乃此項已於池鳳岑等名下追完則曾守與羅令已無不肉矣其餘輕賫金輓等七項銀兩皆鄭李二通判署印發解原無染指之弊第諸姦乘其新舊通更故得以恣其冒領當時發覺據招稱各犯分侵之數除宜大成池鳳岑并張宇名下已經追完銀二千四百五十一兩八分續侵之匪就

酌緩急權輕重量多寡常周其困乏以作其趨  
事赴工之心乎速又有必資之器如船袋之製  
備宜豫也裏河剝船強半新造日行三萬頗不  
稱難惟口袋不無可慮蓋經絕車戶三百九十  
五名每名額造口袋七百條共該二十七萬五  
千條今歲頭運袋每名止製四百條僅足一十  
五萬八千條二運口袋該十一萬八千五百條  
尚未製也其布質於山東今歲該省兵變商人  
畏足亦勉強促之墊買捆載供運可謂急我漕

事者矣乃今第能找給頭運布價其二運尚恐  
商人以資本虧欠借張皇以誤乃公事也至於  
外河剝船石土兩壩原三百八十五隻內限滿  
破爛者九十五隻上年例應排造備剝竟以時  
訖暫停今止得二百九十隻耳其務關河剝八  
百隻造解自江廣淮厥者亦不無什一之闕也  
統計報過淮洪淺船七千七百零又復加以出  
遮不過淮洪者千百餘船天淺船幾希近萬而  
剝船不能盈千周轉實難滯留甚易倘膠柱鼓

覆督部條陳速剝事宜疏

題爲糧艘漸次抵通謹述巡查所見恭報以慰  
聖懷并陳速剝事宜以期早竣事雲南清吏司案呈  
崇禎伍年伍月貳拾伍日奉本部送戶科抄出  
總督倉場尚書錢春具題前事內稱發運速而  
剝不速不但辜此苦心抑且東顧寒心然速又  
非空言飛輓切於轉輸已也速有必經之途則  
各淺之梗塞宜疏也務關而下節節可慮近雖  
責成地方有司臣以爲通惠河即中馮敬舒所



當移駐淺阻最甚處所身親督它并往來催償  
濬拽者也蓋本官以閘工鑄級想懲前愆後斷  
不敢復爲泄泄耳速又有必籍之力則運役之  
脚價宜早給也大通橋車戶須預備車羸夙稱  
陪累而兩壩船戶例有落崖抗價裏河經紀應  
招船頭捧夫陸開水脚當顧抗頭抗夫大率頭  
領約七百餘名多妄人子日聚萬人供役靡匪  
爲令朝不得錢則暮不舉火故朝不給錢則暮  
俱掉臂成大事者不惜小費况若曹應得可委

瑟必至曠日費時臣以爲本部湏多發輕資數  
千兩暫貯通庫如南糧湧集卽以顧募民船儲  
邀

天之幸五六月間水發如昨則此項銀兩自是太倉  
故物耳凡此皆剝運急著也此外則防護漕船  
尤爲吃緊蓋今不止登萊之寇逼境而綠林之  
豪頻逞於水陸之間如應天衛指揮耿秉孝者  
言之痛心無何而張崇爵又以失事告矣夫通  
營叅將舊例防漕宜令行所屬張灣崔黃守備

及沿河衛所官分定信地密布伏路家丁晝夜  
巡緝以衛我漕事此又速剝中陰雨綢繆之計  
不可不亟爲申飭者也又激勸官旗亦當有法  
臣受任以來三年以九月報完四年以八月報  
完今歲亦不敢不勉也然米至則運米盡則止  
遲者改速臣之伎倆已盡荷蒙

皇上以逋欠嚴行法司訊比又

先部議爲責成董漕諸臣不但輓遲作速嗣或可挽  
欠作完矣但完者不勸則猶不睹完之利而參

者得利亦難以鼓完者之心臣向所條上如給  
發鹽羨收買餘米等件自謂稍可激勵官旗之  
急公趨事而以輕賁不敷未能著實舉行頃計  
臣與臣商量亦謂勸於前而懲於後正以相濟  
而未可偏廢也則再加潤色見之施行此又速  
剝中鼓舞誘掖之法不敢不再爲申明者也再  
照如抵如京必千倉萬箱始稱有成耳河運抵  
壩閘運到橋陸運入倉然不早計收厥則風雨  
漂零盜賊標竊粒米狼戾終屬可虞臣欲速運

故特於運處加詳而收厥尤關漕運歸宿實著  
計倉中歇脚抗夫舖軍人等是不一族以供倒  
囤晒揚抱籌臺斛等項是不一節此輩原無額  
設工食稱事給餼其張願待哺與橋壩等役均  
也以徹骨之寒夫當以燃眉之公事予期當尾  
臣亦不敢不併及之臣極倥偬意期無隱據耳  
目之所經察心思之所及敬爲披瀝不覺冗溢  
伏祈

聖明採擇

勅部允行等因五月二十二日奉

聖旨奏報巡查事情知道了糧艘鱗集剝運豈容遲  
悞據稱外河兩壩剝船破爛數多務關船亦缺額  
何得以時詘爲辭不行排造催補該管司官本當  
究處姑著一面設法速剝仍勒限修造務足各船  
原數完日奏奪本內各款該部酌議具覆欽此欽  
遵抄出到部送司查得督部疏內所陳各款皆  
關剝運要務相應遵

旨議覆案呈到部該臣等看得漕糧自省直轉運而

抵京自外河發剝而抵壩自過壩銚開而抵橋  
又自過橋用車驢散運而入倉其間剝船口袋  
與夫橋倉脚價一切必給之需臣部未嘗不有  
呼卽應至於河流疏濬水陸護防亦已鰓鰓慮  
之督臣觸事加做惟恐求速而或得遲臣等敢  
不分任而務求合濟乎其疏中各款有謂各淺  
之梗塞宜疏者務關以上白河各淺砂磧飛聚  
率皆旋通旋塞故必隨塞隨挑毋或後時致令  
壅淤應照督臣所議責令通惠河郎中馮敬舒

移駐淺阻最甚處所調度挑挖仍往來查督毋  
使各淺官夫失時悞事臣部雖咨行工部必得  
明綸再飭庶催償益惕梗塞無虞耳有謂運役之脚  
價宜給者夫漕糧不能爲無脛之走運役不能  
效枵腹之勞應給脚價臣復何靳近日浙江江  
西輕賁陸續解至亦不稱乏但欲每人而悅先  
期而發不獨匱訕難繼抑且冒濫宜防相應以  
兩壩六閘通橋諸役責令該管司官稽查運數  
酌量緩急臣部隨請隨發務期餽稱其事發當



其時則若輩無不安心而趨事矣有謂船袋製  
備宜豫者頭運二運口袋之價臣部先發五千  
兩繼發一萬九千八十五兩通廳照買製辦自  
可濟用無缺惟是外河一帶淺船多而剝船少  
周轉難而留滯易查往歲有雇覓民船之例今  
督臣亦復言之臣部已劄發輕資銀五十兩移  
貯通庫聽用如有不足卽將通庫現則布花銀  
一萬餘兩暫爲通融以俟抵補似於速剝爲有  
備矣目今雨大水漲或母船徑可抵壩則又無

煩顧募爲者至於兩壩務關額剝船所當剝  
行該管司官星夜設法修完以應急運誠有不  
得以稽緩賈罪者耳此外又稱防護漕船尤爲  
喫緊通營叅將原爲防漕而設但督責不加則  
易觀望信地不分則易推諉相應責令本將督  
同張灣崔黃二守備密布伏路家丁晝夜巡緝  
一體嚴防務保無虞否者查叅懲儆未雨綢  
繆漕糧無可踈失矣又稱激勸官旗亦當有法  
卷查崇禎四年六月內該臣部議覆督臣漕船

漸集等事一疏意在給發簞羨收買餘米俾完者得享早完之利而欠者不得幾幸焉嗣以輕賫不敷未能著實舉行今歲解到輕賫胥備運事之用永絕借貸之門則完糧無欠者自當速給簞羨收倉贏餘者自當官買餘米悉聽督臣行京通二廳查明卽與咨部給發是亦鼓舞完糧之一策也至於倉中歇脚抗車舖軍人等各  
有倒囤晒揚抱籌擡斛等役此輩張顧特哺誠與橋壩等役無異計其脚價動至鉅萬數頗不

貲憶昔遲延或至數年而今停壓不及一歲要在源源給發以舊價運新糧仍俟新運銷算完日方給新價則公私兩利而俱存矣以上各款皆從督臣目擊中殫心周慮而爲剝運萬全之計夫督臣之事卽臣部之事也誼切同舟情深借著誠不待督臣言之畢也謹逐款議覆恭候命下臣部移文各該衙門一體欽遵施行

崇禎五年六月初九日具

題本月十一日亥時奉

聖旨奏內漕河各淺著工部嚴飭司官隨宜挑濬脚  
價著該部隨請給發無得後時口袋作速製買刻期  
完足剝船權宜雇募仍速催拏造餘依議欽此

覆總理收買納剩餘米疏

題爲酌請納剩餘米裕儲倉庾以鼓忠勤事雲南  
清吏司案呈崇禎五年七月初一日奉本部送  
戶科抄出總理戶工兩部一切出入錢糧事務  
司禮監太監張彝憲題前事內開

國重計積貯爲先鼓舞激勸賞罰惟明斯誠固本  
良策而礪世之大權也今崇禎五年起運四年  
分漕糧領運指揮千百戶等官掣籤坐派交納  
京通各倉或于通倉掛欠而京倉有餘者或于

京倉掛欠而通倉有餘者合宜移文會抵勿致  
朦朧作奸如已照數交完而有餘剩者可爲惡  
公好義例應照還以鼓忠勤第今倉庾空虛計  
惟銖積寸累以爲漸漸裕儲之謨故河海不擇  
細流以成其深如有餘米似當照例買收入厥  
京倉聽京糧廳通倉聽通糧廳一面呈報一面  
移會該庫粳米每石五錢蒸稻粳米每石四錢  
粟米每石三錢動支太倉銀庫米折銀兩照數  
給價俟運完日該廳類造衙所職名倉廩糧銀

的確清數呈送覆覈具題庶勸典彰官旗便而  
倉有裕儲矣等因六月二十九日奉

聖旨收買餘米以裕國儲允屬便計但須平價別弊  
毋致偏虧方經久可行該部向曾條議着再酌妥  
具奏欽此欽遵抄出到部送司該本司呈堂備將  
總理所議米價與去歲部定之價咨行督部將  
收買餘米一事作速叅酌又聞督部有粳米可  
收粟米不可收之議今應否粳粟兼收仍將價  
值一併酌議去後隨奉本部送准督部咨前事



內開收買餘米一項去夏條議酌覆因抵銷近  
例其價值若此又必貯銀詳給以杜留難立廣  
積二厥以清出納正今日

明旨所謂平價剔弊毋致偏虧之義也至若粟米原  
疏中有五錢給價之議然每歲入京庾者計三  
十萬而縮且因支放不前如北倉之見貯者猶  
多意外之虞姑置云者又本部權宜時詘擇當  
務之爲急耳爲

國便民事求當可主計者自有用中之計畫在也

等因到部奉批雲南司查議速覆奉此查雲  
禎四年六月內該本部議覆督倉尚書錢春運  
船漸集等事一疏內開今後各倉中官旗但有  
納剩餘米查照抵銷成例江南白米每石八錢  
江比江西糴米每石七錢湖廣蒸稻米每石六  
錢河南山東粟米每石五錢給價收買免其二  
升四合之尖加其七升之耗以備虧折則出入  
兩平可永行無弊仍每倉先發銀一千兩在京  
者貯太倉外庫在通者貯通濟庫臨買時京倉

移會京糧廳通倉移會通糧廳呈詳臣部督部  
批示卽發不計停滯時刻倉役但有留難嚴加  
禁治至於收貯各該倉另立廣積二廩一貯粳  
米一貯粟米告竣之日將收買銀米數目造冊  
呈報仍先行坐放則頭緒分明出納清楚等因  
奉

聖旨這收買餘米并支放事宜俱依議行胥役奸弊  
多端經管各官還嚴查抑勒留難等情盡法處治  
毋使利歸羣小怨集官旗欽此欽遵但因帑金不

敷尚未着實舉行今總理題議收買事閱倉庾  
大計相應恭酌議覆案呈到部該臣等看得年  
來全漕官旗欠者十居八九餘者百無一二推  
原其故蓋緣有餘之米不得照出悉抵他人掛  
欠而人且勒其值而短其價於是人遂利於欠  
而反以餘爲害雖有餘米不肯入倉及遇晒揚  
竟至不足自此無不欠之官旗而風靡莫挽矣  
收買一法非真賴此以飽三軍誠鼓舞人心一  
大機括夫亦千金市駿骨之意從此忠實而贏

餘者不苦抑勒貪狡而短少者難弄機關其於  
太倉之儲積誠大有補裨矣合如總理所議行  
令各倉監督凡運糧官旗如京通二倉俱照數  
交完再有餘米卽時通詳臣部督部及總理衙  
門多會京通二廳再一查明照例呈詳給價其  
所爲速給發禁留難加耗米行薦舉分收貯先  
坐放臣部曾履奉

明旨所當一一查照着實遵行違者重究惟是米價  
一節總理議定粳米每石五錢蒸秬稊米每石

四錢粟米每石三錢及查臣部先該查照抵銷  
成例議定粳米每石八錢稜米每石七錢蒸秬  
米每石六錢粟米每石五錢據數似覺相殊蓋  
總理有見於帑藏之匱訕惟恐不樽卽以利

國家故定價槩議從輕臣部容夏會同督臣題議  
米價查照抵銷掛欠卑例成數意欲求平於準  
卽入爲出原非故爲加重此價值之所繇分也  
况所剩餘米又於正數之外議有加耗七升則  
給價自難復減矣至於粟米一項每年京通各

穀法彙編  
放三大管一月而選鋒壯丁及錦衣衛各項不  
食粟米者尤多便似積之無用但事同一體收  
粳米自不得不收粟米其粟米有餘客臣部另  
行題議上

請今宜粳粟兼收價值平準庶官軍靡不鼓舞而倉  
儲亦獲積聚之益矣既經總理內臣具題前來  
相應覆

請恭候

命下臣部行文各該衙門一體欽遵施行

崇禎五年七月二十七日具

題八月初一日奉

聖旨依議欽此



覆守備李遇陽條陳漕事疏

題爲漕糧之蠹弊不祛漕事之日廢可惜臣因目擊時艱計圖久遠敢從前撥舉以祈

皇上鑒飭事雲南清吏司案呈崇禎五年六月初八日奉本部送戶科抄出原任湖廣澧州團練守備李遇陽奏前事內稱軍興以來何處不呼庚癸何時不告匱乏太倉無三年九年之蓄粒米如珠而漕糧掛欠動至千餘臣痛心疾首用發相沿之弊抒膚臆之見各有六馬卽以一舡槩

推有旗甲一名旗軍十名額設本色行月二糧  
共該銀五十八兩零八分半係旗軍本名口糧  
半係解京防欠復有置辦風逐損具及修舡料  
銀俱先徵在官者府胥索常例加一方帖行縣  
縣胥扣加二方准放給甚有稽延支諉漕舡抵  
京舊領未全捉襟露肘莫可誰何無奈先揭重  
債聊且修葺從頭鉅筭十不存五六所以舡不  
能堅修多致損壞那移勉強無不覬覦於漕糧  
爲弊而損者一然舡必成幫弊計百隻設有幫

官及督運把總每舡例有陋規約及數金爲途  
中使費在兌糧時把總差人票催實催常例其  
費均取給於漕糧爲弊而損者二至如有司米  
未入倉僞報徵完米色不堪僞報乾潔但運官  
官評出于有司亦終隱忍吞聲而已米數雖存  
實已陰耗多矣爲弊而損者三糧長兌軍米原  
有真色最恨傍倉倉棍名曰倉鼠暗搆大戶將  
土產耗米包收包兌轉買濫惡者投以糠粃和  
以水穀串役逼兌運官一人無容置喙更有姦

旗通同瞞隱折乾了事一貪便易一貪私入不知漕糧着何處所至于附帶遼糧並無脚費一路起剥入倉晒颺虧耗而索例不異爲弊而損者四糧舡兌完開幫一路差官接催官旗莫不受其苦索至抵京時各處諸費浩繁窮弁貧卒何以措手勢必望米爭炊爲弊而損者五更有官糧歇家苛刻意外先索見面禮五兩臨壩起欠每石索短欠銀二分若交欠百石者必計十兩駕言可以寬容甚則東那西換使賊潛入本

倉名爲過囤爲弊而損者六及夫交割罪坐運  
官掛欠止論該幫總數堆集一人而各姦軍之  
侵盜者聽其回籍莫問殊不知運官止有總押  
之責而漕糧升合均出姦旗因運弁曾受其例  
遂法不能制彼盜糧折糧皆得恣意爲之今運  
官監斃種種何日賠清合就各幫分出各舡欠  
數六十石以下者行彼處督糧兵道嚴提本旗  
立限嚴比刻日解京欠七十石以上者卽照漕  
運議單按以重律仍提家屬伍長羈追罪各有

歸擔輕易舉度糧無侵欠庸見一也初兌時米  
果入倉不兌罪在運官如米未足及色不堪亦  
容運官稟知漕院從公示法然官評不盡爲有  
司所制庶可望其平心相劑永受早兌之惠各  
縣解有樣米必本縣官差人齎解過淮卽于一  
幫內抽驗如米色不等漕院卽罪及之俾窮軍  
得享其寔粒旣撤水穀之害決不致有浥爛之  
虞又何千石之虧哉而倉姦亦可以屏息矣庸  
見二也姦軍盜費懼罪中途先逃貽累運官代

爲起糧交糧交瓶交板交席交口袋百苦駢集  
而姦旗晏然設一逃可以了事百逃且旋踵矣  
當卽行兵糧道星提本旗解京正法毋俾漏網  
甚有詭托失風沉船磕損豈真僞盡付莫辦于  
要處各府縣衙門置簿一扇親填某日風從某  
處起河下某日曾壞舡否每月終報漕儲院道  
以便輪查神姦必不能借託矣膚見三也至造  
舡一節向時雜職代理惟知索取常例如板木  
厚薄釘縫稀密聽軍匠塞責不暇再問胡能保

其無虞必須委廉能府官程以時日採木到廠  
督造酌以五年之限刊刻官匠籍名倘稀薄易  
損不及滿限卽提原管官匠陪補人自不敢苟  
且相欺卽如小修亦必預給料價毋使束手曠  
工所省多而成功倍矣膚見四也各項舡料折  
色行月糧銀向爲姦胥勒據莫若專責該地方  
督糧道臣牌提解道親爲散給運弁止供造冊  
姦胥卽欲蝕之無地以施其術矣如船開幫有  
司故違不解卽示以降罰膚見五也幫船舊法



伍船立一伍長以一長統轄四船派定幫次督責應援互相覺察自今日侵盜弊生法廢已久旗軍有貧富兩等富者或納吏抗差或托情求脫或爲本衛貼運而克數者皆赤手貧軍既苦支應之難周何患侵漁之不恣揀選旗甲于屯田鄉軍之中殷實有家者不拘吏役從公申報驗實點克旗甲得人身家念重焉敢私侵於以復伍長之法一長包管四船督同五船如同一家伍長同取甘結造冊報道稍有短欠應均

庚亥奏議

聖廟前門

卷

罰補膚見六也至於錢糧衙門不拘大小通行  
痛革常例二字及沿途催餉員役不得勒索運  
官分毫運官亦不得指各衙門使費科歛旗軍  
分毫刊石嚴飭巡漕御史不時訪拏正其本清  
其源既無千瘡百孔之求安有千頭百腦之應  
省一費則省無數之脂膏清一弊則清許多之  
掛欠伏望

聖明睿鑒大釐宿弊亟一旅漕規未必不裨倉庾之一  
粟也等因六月初六日奉

聖旨該部看議具覆欽此欽遵抄出到部送司查得  
原任守備李遇陽條奏漕事弊欸奉

旨下部相應議覆案呈到部該臣等看得漕糧之欠  
數日多繇運務之弊竇不盡自開兌以至入倉  
其所爲革姦弊議軫恤俾上下交益積儲無損  
者先該臣部題

請申飭亦旣智盡能索不遺餘力矣乃原任守備李  
遇陽因昔年曾覓運官踵起而條奏六弊復叅  
以六見焉按其欸項一弊在月糧船料各項錢

糧之給發稽遲胥吏勒索也二弊在督運把總  
催要常例每船數金也三弊在有司庇護小民  
米色不堪米數不足運官每多隱忍也四弊在  
倉提包兌抵換姦旗通同折乾且遼糧不設腳  
費坐困于賠補也五弊在沿路差官接催官旗  
受其苦索抵京各處補費浩繁也六弊在歇家  
苛索聞有暗行那換過囤也其所爲虐見有六  
一曰應給銀兩宜令糧道提解親散則仍是月  
糧船料勒索稽遲之款一曰運官官評毋爲有

司所制廢抑勒不加具欲各役自解樣米聽漕  
院抽驗則仍是有司庇護小民米色米數不能  
如式之款其所謂姦軍侵盜止坐運官令行糧  
道分出各船欠數提本旗追比姦軍先逃賠累  
運官又合行糧道解京正法毋容漏網且于經  
過府縣設立風簿報查罔令其詭託失風也則  
兩見仍是一見至於造船不當速朽官匠宜刻  
賠補宜嚴爲一見幫法不當久廢統轄宜聯旗  
甲宜選爲又一見非有一十二款也不過九款

已耳合九款而論之有現在飭行不煩再議者  
如行糧遲發議單例應降罰卽舊例之扣府解  
通者近經臺臣謝三賓疏請全給奉

旨轉行總漕巡漕確議應俟其回

奏酌行并船料一項令各處州縣如期解道俱親  
行給散可也又如選旗甲以整幫伍新議南京  
專責兵部省直專責糧道秉公慎擇毋或賣富  
差貧嗣後再一申飭自可望其改絃矣有經歷  
禁革積習未更當因其言而再爲加緊者如經

過衙門之使費也倉棍姦旗之折乾也歌家之勒索而暗中那換也事非一端地非一處凡有害運官者近奉

明旨已行文該管各官立法釐禁自行條奏亦當于奏到之日詳核申飭峻其法以清其源矣有言之有故而可見諸行者如運總各官每船必索常例旗甲計無所出不得不私行侵盜以給其求運官業已受餌遂不能制此受餌所以受累也宜著爲令此後運官敢有仍索常例者許各

船據實首告憑總漕等衙門叅題以贓私論廢  
積習可挽乎若運船不及限期多係官匠苟且  
應委庶能府佐督造刊刻官匠姓名旋修旋壞  
者務令賠補以矯其弊失風每多假託查漕糧  
大患漂流臣部一以漕院具題爲主小患漂流  
臣部一以總倉具題爲主而尤俱以州縣印照  
爲據但能堅守此法而倉廵印記不得乘機而  
市權焉則弊絕矣今稱各處州縣應立風簿據  
報務須的確毋容詭捏以杜其姦亦一說也



軍侵盜脫逃貽累運官此最切中膏肓之說臣  
部近與督倉約千石土壩起欠時卽同運總運  
官取旗甲而面質之有侵欠者卽提旗軍監禁  
追比見在遵行今欲于各倉交納完日當面查  
明分別追官追旗無可推諉正符前議相應申  
飭力行其有未到先逃者糧道務遵

明例提究毋容假貸有言之雖似有故而未可偏信  
者運官官評採之有司猶如司道府縣官評採  
之刑廳也運官果能律身無玷有司敢以賢爲

不肖乎且欲各縣親解樣米烏知米旣入船之  
後旗軍不私行挿和顧不爭于開兌而必抽驗  
於過淮乎如遼糧原係帶運不設腳價亦無耗  
米今且明加耗米一斗五升矣此不可以供餉  
揚之需乎自有遼事以來業已相沿十三四年  
柰何復議紛更也至沿路接催員役嚇詐事誠  
有之多因各船私載貨物沿途發賣未免逗遛  
乘以爲利耳果係橫索當于總漕巡漕衙門隨  
處控究若廢催償不行則是因噎而廢食也以

上諸款俱經臣部細加參互果有裨於清政何  
難芻蕘之畢採如無當於利弊何取多指之難  
視乎恭奉

明旨下部議覆謹酌議覆

請恭候

命下臣部行文各該衙門一體欽遵施行

崇禎五年八月初三日具

題本月初九日奉

聖旨漕糧弊竇多端這各款有已經行的着加意飭

人  
必餘俱着實舉行如運官貪餌受制許各船首發  
其覈船驗漂及比欠等法尤當振舉以後各經管  
官務潔已奉公痛革需索若仍前踵陋着該撫按  
叅來重治不得故縱欽此